

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-326/25
Sarajevo, 31.1.2025. godine

Z A P I S N I K
**7. VANREDNE SJEDNICE DOMA NARODA PARLAMENTA FEDERACIJE BOSNE
I HERCEGOVINE, održane 31.1.2025. godine**

Sjednica je počela sa radom u 13 sati i 30 minuta.

Sjednici je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegatkinje i delegate, potpredsjednika Federacije Bosne i Hercegovine Refika Lendu, premijera Nermina Nikšića i ministre, predstavnike medijskih kuća i goste.

Izostanak sa sjednice najavili su: Zora Dujmović, Duško Radun, Mladen Šarić, Damir Marjanović, Tanja Šantić i Emir Begić.

Prema evidenciji Stručne službe, sjednici prisustvuju 64 delegata, što čini većinu, pa Dom naroda može raditi i punovažno odlučivati.

Predsjedavajući je obavijestio delegatkinje i delegate da je prijedlog Kolegija da se u dnevni red uvrste tačke: Prijedlog Odluke o odobrenju Odluke o izdavanju garancije Federacije Bosne i Hercegovine u korist UniCredit bank Mostar, Intesa San Paolo Bank d.d. Bosna i Hercegovina i Union Bank d.d. Sarajevo, Bosna Bank International d.d. Sarajevo, Sparkasse d.d. Bosna i Hercegovina, NLB d.d. Sarajevo i Privredna banka Sarajevo d.d. Sarajevo za kreditno zaduženje JP „Autoceste Federacije BiH“ d.o.o. Mostar za izgradnju dijela autoceste Koridora Vc Mostar Sjever - Mostar Jug; Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj za realiziranje Projekta geoprostorne infrastrukture i procjene vrijednosti nekretnina i Odluka o davanju ovlaštenja državnoj službenici Aidi Hadžić-Salkić da obavlja poslove iz nadležnosti sekretara Doma naroda do okončanja postupka imenovanja sekretara Doma naroda Parlamenta Federacije Bosne i Hercegovine.

Na osnovu rezultata glasanja, predsjedavajući je konstatovao da je Dom naroda, sa 61 glasom za, uz šest uzdržanih glasova i uz jedan glas protiv, prihvatio da se u dnevni red uvrsti Prijedlog Odluke o davanju ovlaštenja državnoj službenici Aidi Hadžić-Salkić, šefici Jedinice za evropske integracije Doma naroda Parlamenta Federacije Bosne i Hercegovine, da obavlja poslove iz nadležnosti sekretara Doma naroda Parlamenta Federacije Bosne i Hercegovine do okončanja postupka imenovanja sekretara ovog doma.

Na osnovu rezultata glasanja, predsjedavajući je konstatovao da je Dom naroda, sa 52 glasa za, uz 10 uzdržanih glasova i uz tri glasa protiv, prihvatio da se u dnevni red

uvrsti Prijedlog Odluke o odobravanju Odluke o izdavanju garancije Federacije Bosne i Hercegovine u korist UniCredit Bank d.d. Mostar, Intesa San Paolo banka d.d. Bosna i Hercegovina, Union banka d.d. Sarajevo, Bosna Bank International d.d. Sarajevo, Sparkasse Bank d.d. Bosna i Hercegovina, NLB banka d.d. Sarajevo i Privredna banka Sarajevo d.d. Sarajevo za kreditno zaduženje Javnog poduzeća „Autoceste Federacije BiH“ d.o.o. Mostar za izgradnju dijela autoceste Koridora Vc, dionica Mostar Sjever – Mostar Jug.

Na osnovu rezultata glasanja, predsjedavajući je konstatovao da je Dom naroda, sa 53 glasa za, uz 10 uzdržanih glasova i uz četiri glasa protiv, prihvatio da se u dnevni red uvrsti Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj za realiziranje Projekta geoprostorne infrastrukture i procjene vrijednosti nekretnina.

Vlada Federacije Bosne i Hercegovine dostavila je sljedeće prijedloge zakona sa prijedlogom da se razmatraju po hitnom postupku:

- Prijedlog Budžeta Federacije Bosne i Hercegovine za 2025. godinu – hitni postupak,
- Prijedlog Zakona o izvršavanju Budžeta Federacije Bosne i Hercegovine za 2025. godinu – hitni postupak,
- Prijedlog Zakona o izmjenama i dopuni Zakona o budžetima u Federaciji Bosne i Hercegovine – hitni postupak,
- Prijedlog Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2025. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2025. godinu – hitni postupak,
- Prijedlog Odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu, kao i Odluku o izvršavanju Finansijskog plana Federalnog zavoda za zapošljavanje za 2025. godinu – hitni postupak.

Na osnovu rezultata glasanja, predsjedavajući je konstatovao da je Dom naroda, sa 45 glasova za, uz 10 uzdržanih glasova i uz 11 glasova protiv, prihvatio da se Prijedlog Budžeta Federacije Bosne i Hercegovine za 2025. godinu razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 47 glasova za, uz devet uzdržanih glasova i uz 13 glasova protiv, prihvatio da se Prijedlog Zakona o izvršavanju Budžeta Federacije Bosne i Hercegovine za 2025. godinu razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 45 glasova za, uz šest uzdržanih glasova i uz 15 glasova protiv, prihvatio da se Prijedlog Zakona o izmjenama i dopuni Zakona o budžetima u Federaciji Bosne i Hercegovine razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 51 glasom za, uz šest uzdržanih glasova i uz 11 glasova protiv, prihvatio da se

Prijedlog Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2025. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2025. godinu razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 52 glasa za, uz pet uzdržanih glasova i uz 11 glasova protiv, prihvatio da se Prijedlog Odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu, kao i Odluku o izvršavanju Finansijskog plana Federalnog zavoda za zapošljavanje za 2025. godinu razmatra po hitnom postupku.

Nakon toga prešlo se na utvrđivanje dnevnog reda.

Na osnovu rezultata glasanja, predsjedavajući je konstatovao da je Dom naroda, sa 46 glasova za, uz 12 uzdržanih glasova i uz sedam glasova protiv, usvojio sljedeći:

DNEVNI RED

1. Prijedlog Odluke o davanju ovlaštenja državnoj službenici Aidi Hadžić-Salkić, šefici Jedinice za evropske integracije Doma naroda Parlamenta Federacije Bosne i Hercegovine, da obavlja poslove iz nadležnosti sekretara Doma naroda Parlamenta Federacije Bosne i Hercegovine do okončanja postupka imenovanja sekretara Doma naroda Parlamenta Federacije Bosne i Hercegovine,
2. Prijedlog Budžeta Federacije Bosne i Hercegovine za 2025. godinu – hitni postupak,
3. Prijedlog Zakona o izvršavanju Budžeta Federacije Bosne i Hercegovine za 2025. godinu - hitni postupak,
4. Prijedlog Zakona o izmjenama i dopuni Zakona o budžetima u Federaciji Bosne i Hercegovine - hitni postupak,
5. Prijedlog Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2025. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2025. godinu - hitni postupak,
6. Prijedlog Odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju Finansijskog plana Federalnog zavoda za zapošljavanje za 2025. godinu - hitni postupak,
7. Prijedlog Odluke o odobravanju Odluke o izdavanju garancije Federacije Bosne i Hercegovine u korist UniCredit Bank d.d. Mostar, Intesa San Paolo banka d.d. Bosna i Hercegovina, Union banka d.d. Sarajevo, Bosna Bank

International d.d. Sarajevo, Sparkasse Bank d.d. Bosna i Hercegovina, NLB banka d.d. Sarajevo i Privredna banka Sarajevo d.d. Sarajevo za kreditno zaduženje Javnog poduzeća „Autoceste Federacije BiH“ d.o.o. Mostar za izgradnju dijela autoceste Koridora Vc, dionica Mostar Sjever – Mostar Jug,

8. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj za realiziranje Projekta geoprostorne infrastrukture i procjene vrijednosti nekretnina.

1. Prijedlog Odluke o davanju ovlaštenja državnoj službenici Aidi Hadžić-Salkić, šefici Jedinice za evropske integracije Doma naroda Parlamenta Federacije Bosne i Hercegovine da obavlja poslove iz nadležnosti sekretara Doma naroda Parlamenta Federacije Bosne i Hercegovine do okončanja postupka imenovanja sekretara Doma naroda Parlamenta Federacije Bosne i Hercegovine

Predsjedavajući je uputio dopis 8.1.2025. godine Odsjeku za radne odnose kojim je tražio da se dostave imena i prezimena državnih službenika zaposlenih u Stručnoj službi Doma naroda Parlamenta Federacije Bosne i Hercegovine koji ispunjavaju uvjete za mjesto sekretara Doma naroda.

Na osnovu člana 40. stav (5) Poslovnika Doma naroda donijela se Odluka i prenijelo ovlaštenje na državnu službenicu Aidu Hadžić-Salkić.

Prijedlog rukovodstva Doma naroda Parlamenta Federacije Bosne i Hercegovine je da se Dom izjasni o odluci.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 59 glasova za, uz četiri uzdržana glasa i uz jedan glas protiv, usvojio Prijedlog Odluke o davanju ovlaštenja državnoj službenici Aidi Hadžić-Salkić, šefici Jedinice za evropske integracije Doma naroda Parlamenta Federacije Bosne i Hercegovine, da obavlja poslove iz nadležnosti sekretara Doma naroda Parlamenta Federacije Bosne i Hercegovine do okončanja postupka imenovanja sekretara Doma naroda Parlamenta Federacije Bosne i Hercegovine.

2. Prijedlog Budžeta Federacije Bosne i Hercegovine za 2025. godinu – hitni postupak

Tekst Prijedloga Budžeta za 2025. godinu utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 13. vanrednoj sjednici održanoj 28. i 29.1.2025. godine usvojio Prijedlog Budžeta Federacije Bosne i Hercegovine za 2025. godinu sa jednim amandmanom koji je Vlada Federacije djelimično prihvatila pa je postao sastavni dio Prijedloga Budžeta za 2025. godinu.

Amandmane su podnijeli i Fatima Gavrankapetanović-Smajlbegović jedan amandman, Fahrudin Čolaković jedan amandman i zajedno Almir Dorić, Sandra Imširović i Žarko Vujović tri amandmana.

Amandmani su dostavljeni Vladi Federacije Bosne i Hercegovine na izjašnjanje.

Prijedlog Budžeta Federacije Bosne i Hercegovine za 2025. godinu razmatrala su i nadležna radna tijela, a obrazloženje vezano uz ovaj prijedlog dao je Toni Kraljević, ministar Federalnog ministarstva finansija.

U raspravi su učestvovali: Aida Obuća, Belma Kapo, Jelena Pekić, Fatima Gavrankapetanović-Smailbegović, Vedrana Vujović, Žarko Vujović, Muamer Zukić, Almir Babajić, Miomirka Melank, Azhar Sejarić, Vesna Saradžić, Haris Zahiragić, Tomislav Martinović, Emir Dautović, Goran Bulajić, Damir Džeba i Senad Alić.

Delegati Almir Babajić i Emir Dautović predložili su zaključke i tražili izjašnjenje.

Predsjedavajući je predložio da se pređe na sljedeću tačku dnevnog reda dok se Vlada ne izjasni o amandmanima.

3. Prijedlog Zakona o izvršavanju Budžeta Federacije Bosne i Hercegovine za 2025. godinu - hitni postupak

Tekst Prijedloga Zakona utvrdila je Vlada Federacije.

Predstavnički dom obavijestio je Dom naroda da je na svojoj 13. vanrednoj sjednici, održanoj 28. i 29.1.2025. godine, usvojio Prijedlog Zakona o izvršavanju Budžeta Federacije Bosne i Hercegovine za 2025. godinu sa jednim amandmanom koji je Vlada prihvatila pa je postao sastavni dio Prijedloga Zakona.

Prijedlog Zakona su razmatrala i nadležna radna tijela.

Prijedlog Zakona obrazložio je Alija Aljović, pomoćnik ministra u Sektoru za budžet i javne rashode.

U raspravi su učestvovali Belma Kapo i Alija Aljović.

Na osnovu rezultata glasanja, predsjedavajući je konstatovao da je Dom naroda, sa 45 glasova za, uz 11 uzdržanih glasova i uz jedan glas protiv, usvojio Prijedlog Zakona o izvršavanju Budžeta Federacije Bosne i Hercegovine za 2025. godinu.

4. Prijedlog Zakona o izmjenama i dopuni Zakona o budžetima u Federaciji Bosne i Hercegovine - hitni postupak

Tekst Prijedloga Zakona utvrdila je Vlada Federacije.

Predstavnički dom obavijestio je Dom naroda da je na svojoj 13. vanrednoj sjednici, održanoj 28. i 29.1.2025. godine, usvojio Prijedlog Zakona o izmjenama i dopuni

Zakona o budžetima u Federaciji Bosne i Hercegovine u tekstu kako ga je predložila Vlada Federacije Bosne i Hercegovine.

Na Prijedlog Zakona po jedan amandman podnijele su Vedrana Vujović i Aida Obuća.

Prijedlog Zakona razmatrala su nadležna radna tijela.

Prijedlog Zakona obrazložio je Alija Aljović, pomoćnik ministra u Sektoru za budžet i javne rashode.

U raspravi su učestvovali: Senad Alić, Aida Obuća, Vedrana Vujović, Muamer Zukić, Haris Zahiragić, Tomislav Martinović i Alija Aljović.

Nakon pauze, prešlo se na izjašnjenje Vlade Federacije Bosne i Hercegovine o amandmanima na Prijedlog Budžeta Federacije Bosne i Hercegovine za 2025. godinu i Prijedlog Zakona o izmjenama i dopunama Zakona o budžetima u Federaciji Bosne i Hercegovine, koje je Vlada dostavila Domu naroda.

Fatima Gavrankapetanović-Smailbegović podnijela je amandman na Prijedlog Budžeta Federacije Bosne i Hercegovine za 2025. godinu, koji Vlada Federacije nije prihvatila, ali ona nije odustala od amandmana.

Na osnovu rezultata glasanja, predsjedavajući je konstatovao da Dom naroda, sa 26 glasova za, uz 24 uzdržana glasa i uz 16 glasova protiv, nije prihvatio amandman.

Fatima Gavrankapetanović-Smailbegović je zatražila pojedinačno izjašnjenje.

Državna službenica koja obavlja poslove iz nadležnosti sekretara Doma naroda Aida Hadžić-Salkić izvršila je pojedinačno izjašnjavanje.

Na osnovu rezultata pojedinačnog izjašnjavanja, predsjedavajući je konstatovao da Dom naroda, sa 26 glasova za, uz 30 uzdržanih glasova i uz 13 glasova protiv, nije prihvatio ovaj amandman.

Almir Dorić, Sandra Imširović i Žarko Vujović zajedno su podnijeli tri amandmana na Prijedlog Budžeta Federacije Bosne i Hercegovine za 2025. godinu koje Vlada Federacije nije prihvatila, a oni su se izjasnili da ostaju pri amandmanima.

Na osnovu rezultata glasanja, predsjedavajući je konstatovao da Dom naroda, sa 24 glasa za, uz 18 uzdržanih glasova i uz 17 glasova protiv, nije prihvatio amandman I.

Na osnovu rezultata glasanja, predsjedavajući je konstatovao da Dom naroda, sa 24 glasa za, uz 18 uzdržanih glasova i uz 18 glasova protiv, nije prihvatio amandman II.

Na osnovu rezultata glasanja, predsjedavajući je konstatovao da Dom naroda, sa 24 glasa za, uz 22 uzdržana glasa i uz 19 glasova protiv, nije prihvatio amandman III.

Sandra Imširović je zatražila pojedinačno izjašnjavanje za sva tri amandmana.

Državna službenica koja obavlja poslove iz nadležnosti sekretara Doma naroda, Aida Hadžić-Salkić izvršila je pojedinačno izjašnjavanje.

Na osnovu rezultata pojedinačnog izjašnjavanja, predsjedavajući je konstatovao da Dom naroda, sa 25 glasova za, uz 14 uzdržanih glasova i uz 26 glasova protiv, nije prihvatio amandman I.

Na osnovu rezultata pojedinačnog glasanja, predsjedavajući je konstatovao da Dom naroda, sa 25 glasova za, uz 12 uzdržanih glasova i uz 26 glasova protiv, nije prihvatio amandman II.

Delegat Fahrudin Čolaković je podnio amandman na Prijedlog Budžeta Federacije Bosne i Hercegovine za 2025. godinu, koji Vlada Federacije nije prihvatila, te se izjasnio da ostaje pri amandmanu.

Na osnovu rezultata glasanja, predsjedavajući je konstatovao da Dom naroda, sa 24 glasa za, uz 15 uzdržanih glasova i uz 17 glasova protiv, nije prihvatio amandman.

Delegat Fahrudin Čolaković je zatražio pojedinačno izjašnjavanje.

Državna službenica koja obavlja poslove iz nadležnosti sekretara Doma naroda Aida Hadžić-Salkić izvršila je pojedinačno izjašnjavanje.

Na osnovu rezultata pojedinačnog izjašnjavanja, predsjedavajući je konstatovao da Dom naroda, sa 27 glasova za, uz 14 uzdržanih glasova i uz 23 glasa protiv, nije prihvatio amandman.

Grupa delegata u Domu naroda Parlamenta Federacije Bosne i Hercegovine je podnijela amandman na Prijedlog Budžeta Federacije Bosne i Hercegovine za 2025. godinu, koji je obrazložio Haris Zahiragić a koji Vlada Federacije nije prihvatila, ali su se oni izjasnili da ostaju pri amandmanu.

Na osnovu rezultata glasanja, predsjedavajući je konstatovao da Dom naroda, sa 26 glasova za, uz 23 uzdržana glasa i uz 15 glasova protiv, nije prihvatio amandman.

Grupa delegata u Domu naroda Parlamenta Federacije Bosne i Hercegovine je zatražila pojedinačno izglasavanje.

Na osnovu rezultata pojedinačnog izjašnjavanja, predsjedavajući je konstatovao da Dom naroda, sa 24 glasa za, uz 28 uzdržanih glasova i uz 15 glasova protiv, nije prihvatio ovaj amandman.

Nakon izjašnjavanja o amandmanima prešlo se na glasanje o Prijedlogu Budžeta Federacije Bosne i Hercegovine za 2025. godinu.

Na osnovu rezultata glasanja, predsjedavajući je konstatovao da je Dom naroda, sa 46 glasova za, uz devet uzdržanih glasova i uz 13 glasova protiv, usvojio Prijedlog Budžeta Federacije Bosne i Hercegovine za 2025. godinu.

Delegat Muamer Zukić je zatražio pojedinačno izjašnjanje.

Državna službenica koja obavlja poslove iz nadležnosti sekretara Doma naroda Aida Hadžić-Salkić izvršila je pojedinačno izjašnjanje.

Na osnovu rezultata pojedinačnog izjašnjanja, predsjedavajući je konstatovao da je Dom naroda, sa 42 glasa za, uz 13 uzdržanih glasova i uz devet glasova protiv, usvojio Prijedlog Budžeta Federacije Bosne i Hercegovine za 2025. godinu.

Nakon toga, prešlo se na glasanje o prijedlogu zaključaka delegata Emira Dautovića i Almira Babjića.

Na osnovu rezultata glasanja, predsjedavajući je konstatovao da je Dom naroda, sa 44 glasa za, uz 16 uzdržanih glasova i uz tri glasa protiv, prihvatio sljedeći:

ZAKLJUČAK

Predlaže se da se iz Federalnog ministarstva kulture i sporta u ekonomskom kodu 6141 Tekući transferi drugim nivoima vlasti i fondovima - Transfer za sport od značaja za Federaciju Bosne i Hercegovine na kojem se nalaze sredstva od 3.350.000,00 KM raspodjele na sljedeći način: Rukometnom savezu Bosne i Hercegovine 250.000,00 KM, Košarkaškom savezu Bosne i Hercegovine 250.000,00 KM i Odbojkaškom savezu Bosne i Hercegovine 100.000,00 KM. Sredstva se mogu utrošiti samo za finansiranje reprezentativnih selekcija.

Na osnovu rezultata glasanja, predsjedavajući je konstatovao da je Dom naroda, sa 52 glasa za, uz šest uzdržanih glasova i uz tri glasa protiv, prihvatio sljedeći:

ZAKLJUČAK

Dom naroda Parlamenta Federacije Bosne i Hercegovine upućuje inicijativu prema Vladi Federacije Bosne i Hercegovine da putem Budžeta Federacije Bosne i Hercegovine za 2025. godinu, ekonomski kod 6151, Kapitalni transferi drugim nivoima vlasti i fondovima – Izgradnja, adaptacija i rekonstrukcija sportske infrastrukture - omogući prijavu na javni poziv Nogometnom savezu Bosne i Hercegovine za apliciranje Projekta izgradnje/rekonstrukcije „Nacionalnog fudbalskog stadiona Bosne i Hercegovine", te da se te da se kroz formiranje kriterija omogući da ovakvi projekti od državnog interesa nose najveći broj bodova u Javnom pozivu i veći iznos sredstava.

Grupa delegata je, također, predložila zaključak o kojem se glasalo.

Na osnovu rezultata glasanja, predsjedavajući je konstatovao da Dom naroda, sa 33 glasa za, uz 17 uzdržanih glasova i uz 12 glasova protiv, nije prihvatio zaključak.

Vedrana Vujović podnijela je amandman na Prijedlog Zakona o izmjenama i dopuni Zakona o budžetima u Federaciji Bosne i Hercegovine koji Vlada Federacije nije prihvatila, a ona se izjasnila da ostaje pri amandmanu.

Na osnovu rezultata glasanja, predsjedavajući je konstatovao da Dom naroda, sa 31 glasom za, uz 18 uzdržanih glasova i uz 15 glasova protiv, nije prihvatio ovaj amandman.

Vedrana Vujović je zatražila pojedinačno izjašnjavanje.

Na osnovu rezultata pojedinačnog izjašnjavanja, predsjedavajući je konstatovao da Dom naroda, sa 28 glasova za, uz 21 uzdržani glas i uz 13 glasova protiv, nije prihvatio amandman.

Aida Obuća podnijela je amandman na Prijedlog Zakona o izmjenama i dopuni Zakona o budžetima u Federaciji Bosne i Hercegovine, koji Vlada Federacije nije prihvatila, a ona se izjasnila da ostaje pri amandmanu.

Na osnovu rezultata glasanja, predsjedavajući je konstatovao da Dom naroda, sa 25 glasova za, uz 14 uzdržanih glasova i uz 12 glasova protiv, nije prihvatio amandman.

Prešlo se na izjašnjenje o Prijedlogu Zakona o izmjenama i dopuni Zakona o budžetima u Federaciji Bosne i Hercegovine.

Na osnovu rezultata glasanja, predsjedavajući je konstatovao da je Dom naroda, sa 43 glasa za, uz pet uzdržanih glasova i uz 11 glasova protiv, usvojio Prijedlog Zakona o izmjenama i dopuni Zakona o budžetima u Federaciji Bosne i Hercegovine.

5. Prijedlog Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2025. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2025. godinu - hitni postupak

Tekst Prijedloga Odluke dostavila je Vlada Federacije Bosne i Hercegovine radi razmatranja i davanja saglasnosti.

Predstavnički dom obavijestio je Dom naroda da je na svojoj 13. sjednici, održanoj 28. i 29.1.2025. godine, donio Odluku o davanju saglasnosti na Finansijski plan Zavoda zdravstvenog osiguranja i reosiguranja i Odluku o načinu izvršenja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2025. godinu.

Prijedlog Odluke razmatrala su nadležna radna tijela.

Na osnovu rezultata glasanja, predsjedavajući je konstatovao da je Dom naroda, sa 57 glasova za, uz četiri uzdržana glasa i bez glasova protiv, usvojio Prijedlog Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2025. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2025. godinu.

6. Prijedlog Odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju Finansijskog plana Federalnog zavoda za zapošljavanje za 2025. godinu - hitni postupak

Tekst Prijedloga Odluke dostavila je Vlada Federacije Bosne i Hercegovine.

Predstavnički dom obavijestio je Dom naroda da je na svojoj 13. sjednici, održanoj 28. i 29.1.2025. godine, donio Odluku o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju Finansijskog plana Federalnog zavoda za zapošljavanje za 2025. godinu.

Prijedlog Odluke razmatrala su nadležna radna tijela.

Na osnovu rezultata glasanja, predsjedavajući je konstatovao da je Dom naroda, sa 57 glasova za, uz dva uzdržana glasa i bez glasova protiv, usvojio Prijedlog Odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju Finansijskog plana Federalnog zavoda za zapošljavanje za 2025. godinu.

7. Prijedlog Odluke o odobravanju Odluke o izdavanju garancije Federacije Bosne i Hercegovine u korist UniCredit Bank d.d. Mostar, Intesa San Paolo banka d.d. Bosna i Hercegovina, Union banka d.d. Sarajevo, Bosna Bank International d.d. Sarajevo, Sparkasse Bank d.d. Bosna i Hercegovina, NLB banka d.d. Sarajevo i Privredna banka Sarajevo d.d. Sarajevo za kreditno zaduženje Javnog poduzeća „Autoceste Federacije BiH“ d.o.o. Mostar za izgradnju dijela autoceste Koridora Vc, dionica Mostar Sjever – Mostar Jug

Tekst Prijedloga Odluke utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na svojoj 15. sjednici, održanoj 12.12.2024. godine, donio Odluku o odobravanju Odluke o izdavanju garancije Federacije Bosne i Hercegovine u korist UniCredit Bank d.d. Mostar, Intesa San Paolo banka d.d. Bosna i Hercegovina, Union banka d.d. Sarajevo, Bosna Bank International d.d. Sarajevo, Sparkasse Bank d.d. Bosna i Hercegovina, NLB banka d.d. Sarajevo i Privredna banka Sarajevo d.d. Sarajevo za kreditno zaduženje Javnog poduzeća „Autoceste Federacije BiH“ d.o.o. Mostar za izgradnju dijela autoceste Koridora Vc, dionica Mostar Sjever – Mostar Jug.

Prijedlog Odluke razmatrala su nadležna radna tijela.

Na osnovu rezultata glasanja, predsjedavajući je konstatovao da je Dom naroda, sa 50 glasova za, uz dva uzdržana glasa i uz tri glasa protiv, usvojio Prijedlog Odluke o odobravanju Odluke o izdavanju garancije Federacije Bosne i Hercegovine u korist UniCredit Bank d.d. Mostar, Intesa San Paolo banka d.d. Bosna i Hercegovina, Union banka d.d. Sarajevo, Bosna Bank International d.d. Sarajevo, Sparkasse Bank d.d.

Bosna i Hercegovina, NLB banka d.d. Sarajevo i Privredna banka Sarajevo d.d. Sarajevo za kreditno zaduženje Javnog poduzeća „Autoceste Federacije BiH“ d.o.o. Mostar za izgradnju dijela autoceste Koridora Vc, dionica Mostar Sjever – Mostar Jug.

8. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj za realiziranje Projekta geoprostorne infrastrukture i procjene vrijednosti nekretnina

Tekst Prijedloga Odluke dostavila je Vlada Federacije radi razmatranja.

Predstavnički dom obavijestio je Dom naroda da je na svojoj 15. sjednici, održanoj 12.12.2024. godine, donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj za realiziranje Projekta geoprostorne infrastrukture i procjene vrijednosti nekretnina.

Prijedlog Odluke razmatrala su nadležna radna tijela.

Na osnovu rezultata glasanja, predsjedavajući je konstatovao da je Dom naroda, sa 51 glasom za, uz četiri uzdržana glasa i uz četiri glasa protiv, usvojio Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj za realiziranje Projekta geoprostorne infrastrukture i procjene vrijednosti nekretnina.

Nakon okončanja 7. vanredne sjednice, prijedlog Kolegija je bio da se nastavi rad 6. vanredne sjednice.

Na osnovu rezultata glasanja, predsjedavajući je konstatovao da je Dom naroda, sa 44 glasa za, uz dva uzdržana glasa i uz 10 glasova protiv, prihvatio prijedlog Kolegija.

Sjednica je završila rad u 19 sati i 4 minute.

Transkript sjednice čini sastavni dio Zapisnika.

DRŽAVNA SLUŽBENICA KOJA OBAVLJA
POSLOVE IZ NADLEŽNOSTI SEKRETARA
DOMA NARODA

Aida Hadžić-Salkić

PREDSJEDAJUĆI

Tomislav Martinović